

Aktuelnosti:

1. Izrađen nacrt Strategije razvoja Saveza općina i gradova FBIH
2. Općinska tijela nadležna za upis u registar proizvođača vina
3. 15 općina i UNDP potpisali Memorandum o razumijevanju
4. Općina Stari Grad potpisala Sporazum o saradnji sa Općinom Karpoš – Skoplje
5. GIZ angažovao Razvojnu agenciju Eda na pripremi inicijalne studije
6. Održan seminar «Fiskalna politika i programsko budžetiranje u BiH»
7. Održano 8 radionica na temu uvođenja trezorskog poslovanja u JLS u FBIH
8. Prezentirane teme 6. kruga Beacon sheme
9. NAJAVA održavanja 14. sjednice Predsjedništva Saveza
10. NAJAVA seminara na temu upravljanje projektnim ciklusom

Poštovani članovi i čitaoci,

Kao i do sada, obavještavamo Vas o unutrašnjoj i vanjskoj komunikaciji i razmjeni najboljih iskustava i praksi kao i o različitim obukama koje mogu doprinijeti kadrovskom jačanju općinskih službenika.

Putem ovog biltena se možete informirati i o drugim dešavanjima u proteklom periodu kao što su konferencije, seminari, okrugli stolovi a koji mogu doprinijeti unapređenju

GLEDAJTE svake druge subote u 13:30 sati na Hayat TV – “Moje dvorište” dokumentarno informativnu emisiju o lokalnoj samoupravi.
Repriza je utorkom u 14:15

<http://vimeo.com/user5457690/videos>

IZRAĐEN NACRT STRATEGIJE RAZVOJA SAVEZA



SARAJEVO, 11. maj/svibanj – U sklopu realizacije aktivnosti na projektu “Razvoj kapaciteta saveza općina i gradova u Bosni i Hercegovini” (CDMA) koji zajednički implementiraju Savez općina i gradova Federacije BiH, Savez opština i gradova Republike Srpske i Međunarodna kooperativna agencija Asocijacije općina Kraljevine Holandije VNG-International, a koji je financiran od strane Švedske međunarodne agencije za razvoj i saradnju – Sida, održane su četiri radionice za izradu **Strategije razvoja Saveza općina i gradova Federacije BiH za period 2011. - 2015. godine**. Pomenute radionice su održane u periodu od decembra/prosinca 2010. godine do maja/svibnja 2011. godine.

Učesnici ovih sastanaka, među kojima je bio i znatan broj općinskih načelnika kao i drugih predstavnika općina, razmatrali su pitanja vezana za PEST i SWOT analizu, misiju i viziju Saveza, strateške i operative ciljeve te glavne aktivnosti Saveza, indikatore, plan monitoringa i evaluacije kao i finansijski plan.

Na osnovu prijedloga i sugestija učesnika ovih sastanaka izrađen je finalni nacrt

sistema lokalne uprave.

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu: dino@sogfbih.ba

Molimo vas da ovaj elektronski bilten prosljedite svim zainteresiranim u vašoj i susjednim općinama.

Ukoliko želite da objavite neke od vaših novosti, iskoristite elektronski bilten Saveza, koji je brz, efikasan i jeftin način komuniciranja sa javnošću.

Sa zadovoljstvom očekujemo vaše komentare, sugestije i primjedbe.

[Kontaktirajte nas](#)

[Telefoni:](#)

033/ 216 502, 033/ 552 812

[Fax:](#) **033/552 810, 033/ 552 811**

<http://www.sogfbih.ba>

<http://www.partnerstvogradova.ba/>

<http://www.nexpo.nalas.eu>

e-mail: dino@sogfbih.ba

NAŠ CILJ je informirati vas o seminarima, treninzima, konferencijama i drugim aktivnostima, koji unapređuju lokalnu upravu i kadrovsko

Strategije razvoja Saveza općina i gradova Federacije Bosne i Hercegovine za period 2011. – 2015. godine s kojim će se upoznati Predsjedništvo Skupštine Saveza na svojoj sljedećoj sjednici, te koji će nakon toga biti upućen svim članicama Saveza na javnu raspravu.



OPĆINSKA TIJELA NADLEŽNA ZA UPIS U REGISTAR PROIZVOĐAČA VINA

SARAJEVO, 11. maj/svibanj – Savez općina i gradova Federacije Bosne i Hercegovine je, na inicijativu Općine Čitluk, a shodno zaključku sa 13. sjednice Predsjedništva Skupštine Saveza, 05. aprila/travnja, uputio Federalnom ministarstvu poljoprivrede, vodoprivrede i šumarstva zahtjev za pomoć u cilju prevazilaženja problema koje imaju proizvođači vina u Federaciji Bosne i Hercegovine.

Naime, stupanjem na snagu Zakona o vinu, rakiji i drugim proizvodima od grožđa i vina („Službeni glasnik BiH“, broj: 25/08) prestao je važiti Zakon o vinu i rakiji („Službeni list SR BiH“, br.: 26/89 i 29/90) na osnovu kojeg su općinska tijela uprave nadležna za poslove poljoprivrede vodila registre proizvođača vina i rakije.

S obzirom da niti jedan provedbeni propis još nije donesen, nisu se stekli uvjeti za primjenu ovog zakona.

Savez je u svom zahtjevu predložio da se u prijelaznom razdoblju do donošenja i usvajanja Zakona o vinu Federacije Bosne i Hercegovine i donošenja provedbenih propisa, temeljem upravnog akta koji bi donio ministar poljoprivrede, vodoprivrede i šumarstva, **omogućiti rad općinskim tijelima u smislu upisa u registar proizvođača vina, odnosno da se i dalje primjenjuju odredbe ranijeg Zakona o vinu i rakiji** („Službeni list BiH“, br. 26/89 i 29/90).

Od Federalnog ministarstva poljoprivrede, vodoprivrede i šumarstva 12. aprila/travnja dobili smo odgovor o aktivnostima poduzetim po pitanju rješavanja problematike proizvođača vina u Federaciji BiH, o čemu smo pisali u našem ranijem izdanju elektronskog biltena.

Dana 10. maja/svibnja dobili smo novi dopis od Federalnog ministarstva poljoprivrede, vodoprivrede i šumarstva u kojem se navodi da se rješenje Ministarstva vanjske trgovine i ekonomskih odnosa broj 08-3-50-595-3/09 od 10.04.2009. godine odnosi na sve institucije i aktivnosti vezane za proizvodnju vina, zaštitu geografskog porijekla vina i puštanje u promet vina sa ili bez geografskog porijekla. U navedenom rješenju stoji da «u postupku donošenja rješenja o stavljanju u promet grožđa, mošta, vina i drugih proizvoda od grožđa i vina, do donošenja provedbenih propisa na osnovu ovog Zakona, odlučivat će institucije koje su rješavale u postupku do stupanja na snagu Zakona o vinu, rakiji i drugim proizvodima od grožđa i vina».

15 OPĆINA I UNDP POTPISALI MEMORANDUM O RAZUMIJEVANJU NA PROJEKTU LOD II

SARAJEVO, 05. maj/svibanj – Jučer je u Sarajevu potpisan Memorandum o razumijevanju između Razvojnog programa Ujedinjenih nacija (UNDP) i 15

općinama.

KORISNI LINKOVI ZA PREDPRISTUPNE FONDOWE:

<http://www.southeast-europe.net/en/>

<http://www.adriaticpacbc.org/>

<http://www.interregadriatico.it/index1.html>

<http://www.europa.ba/>

<http://www.cbib-eu.org/en/welcome/index.html>

<http://www.cbc.bih-mne.org/>

<http://www.srb-bih.org/>

<http://www.cbc-cro-bih.net/>

<http://www.programmemed.eu/>

<http://www.tacso.org/>

<http://www.euroinfocentar.ba/>

<http://www.balkanfund.org/>

<http://eurelmed.com/>

http://eacea.ec.europa.eu/index_en.php

partnerskih općina u BiH, učesnika u drugoj fazi projekta "Jačanje lokalne demokratije – LOD II", kojeg finansira Evropska unija (EU) u iznosu od 1,5 miliona eura.



Projekat su potpisali šef Odjela operacija u Delegaciji EU u BiH, Boris Iarochevitch, ministar pravde BiH Bariša Čolak, v. d. rezidentnog predstavnika UNDP u BiH, Peter van Ruyseveldt i načelnici 15 općina: Bijeljine, Dervente, Foče, Grada Sarajeva, Gradiške, Jablanice, Ključa, Ljubuškog, Prijedora, Tešnja, Trebinja, Tuzle, Srebrenika, Zvornika i Zavidovića.

Krajnji cilj projekta je pomoć lokalnim vlastima da obezbijede bolju uslugu građanima i na taj način unaprijede kvalitet života u Bosni i Hercegovini.

"Općine igraju ključnu ulogu u procesu EU integracija jer su one nivo vlasti koji je najbliži građanima i sa kojeg im se najbolje može objasniti šta su to integracije i koji su uslovi postavljeni u tom procesu", kazao je Boris Iarochevitch.

On je naglasio i da civilno društvo ima značajnu ulogu u svemu tome, te da EU u velikoj mjeri konsultira organizacije civilnog društva prilikom osmišljavanja programa pomoći ali i prilikom pravljenja izvještaja o napretku BiH. U svjetlu toga će, prema njegovim riječima, EU nastaviti pružati podršku procesu razvijanja dijaloga između lokalnih vlasti i civilnog društva.

Ministar pravde BiH Bariša Čolak poručio je da očekuje bolju saradnju organizacija civilnog društva i lokalne zajednice.

"Na ovaj način ćemo postići mnogo organizovaniji razvoj lokalne zajednice i omogućiti transparentnije finansiranje organizacija civilnog društva", kazao je Čolak.

Kroz LOD II projekat će se pomoći lokalnim vlastima u unaprijeđivanju finansijskih mehanizama za raspodjelu

budžetskih sredstava namijenjenih projektima organizacija civilnog društva.

Projekat daje određena grant sredstva općinama koje će prema vlastitim potrebama i razvojnim strategijama raspisivati javne pozive za organizacije civilnog društva.

'Fokus projekata je na socijalnoj inkluziji, uključivanju marginalizovanih grupa, a



konkretna projektne aktivnosti zavisice od kvaliteta projektnih prijedloga organizacija civilnog društva, potreba građana i lokalnih razvojnih strategija ovih općina.

Sve partnerske općine će sufinansirati projekte organizacija civilnog društva sa minimalno 10 posto od ukupne vrijednosti odabranih projekata.

Projekat „Jačanje lokalne demokratije - LOD II“ će se provoditi do marta/ožujka 2012. godine.

OPĆINA STARI GRAD SARAJEVO POTPISALA SPORAZUM O SARADNJI SA OPĆINOM KARPOŠ – SKOPLJE



SARAJEVO, 4. maj/svibanj – Predstavnici Općine Stari Grad Sarajevo i Općine Karpoš Skoplje danas su potpisali Sporazum o saradnji između ove dvije općine. U ime Općine Stari Grad Sporazum je potpisao načelnik Ibrahim Hadžibajrić, a u ime Općine Karpoš Trifun Trifunovski, predsjednik općinskog Savjeta.

Sporazum o saradnji, koji će se prije svega temeljiti na poslovno-tehničkoj i kulturno-sportskoj osnovi, potpisan je u Općini Stari Grad i to na Dan ove sarajevske općine.

Potpisivanju Sporazuma prethodila je posjeta delegacije Općine Karpoš sa gradonačelnikom na čelu koja je upriličena prije dva mjeseca. Općina Stari Grad je u posljednje dvije godine potpisala sporazume sa općinama iz četiri države bivše Jugoslavije, od Kosova preko Crne Gore, Makedonije, pa do Slovenije. Općina Stari Grad je otvorena za svaki vid saradnje između općina na prostorima bivše Jugoslavije, istakao je načelnik Hadžibajrić.

Naglasio je kako je sa Općinom Karpoš već dogovorena posjeta sportista iz Starog Grada.

Trifunovski je nakon svečane ceremonije potpisivanja Sporazuma kazao kako su ovakvi vidovi saradnje ključ za uspjeh. „Na ovakav način možemo pomoći našim građanima. Na osnovu razmjene iskustava i znanja možemo im pružiti kvalitetnije usluge. Vrlo sam srećan što sam opet došao u vaš lijepi grad i vašu lijepu državu. Slični smo narodi. Imamo sličan mentalitet. Siguran sam da će ova saradnja dati pozitivne rezultate“, kazao je Trifunovski.



GIZ ANGAŽOVAO RAZVOJNU AGENCIJU EDA NA PRIPREMI INICIJALNE STUDIJE

SARAJEVO, 30. april/travanj – Razvojna Agencija iz Banja Luke «EDA» angažovana je na pripremi inicijalne studije u okviru projekta "Jačanje lokalne samouprave u Bosni i Hercegovini" koji implementira njemačka razvojna agencija Gesellschaft für Internationale Zusammenarbeit (GIZ).

Inicijalna studija će obezbijediti informacije o postojećim kapacitetima za izvođenje razvojnih aktivnosti i obavljanje razvojnih funkcija na lokalnom nivou u partnerskim općinama, kao i u općinama koje će služiti za poređenje (benchmark). Studija će obezbijediti kvalitetnu analizu trenutne situacije i identifikovati polazne tačke projektnih aktivnosti. Inicijalna studija će sadržati ocjenu kapaciteta petnaest partnerskih i općina koje će služiti za poređenje. Partnerske općine u BiH su: Maglaj, Ilijaš, Višegrad, Gornji Vakuf – Uskoplje, Orašje, Ljubuški, Teslić, Žepče, Kozarska Dubica, Modriča, Kostajnica i Vareš, dok su općine za poređenje (benchmark): Laktaši, Gračanica i Kutina (Hrvatska).

Projekat ima cilj da poboljša rezultate u implementaciji lokalnih strategija razvoja tako što će ih povezati sa prostornim planiranjem i višegodišnjim finansijskim programiranjem, kroz pristup aktivnog učešća i u skladu sa principima rodne ravnopravnosti, te uz promociju saradnje među zajednicama.

ODRŽAN SEMINAR – „FISKALNA POLITIKA I PROGRAMSKO BUDŽETIRANJE U BIH“



ILIDŽA, 27. april/travanj – U organizaciji Saveza općina i gradova FBiH, a kroz projekat „Jačanje kapaciteta saveza općina i gradova BiH“, 27. aprila 2011. godine u Hotelu Terme na Ilidži, održan je Seminar na temu „Fiskalna politika i programsko budžetiranje“.

Predavač na seminaru je bila mr. Naida Čaršimamović-Vukotić, Savjetnik za budžet pri Ministarstvu finansija i trezora BiH.

Glavne teme seminara bile su:

- Pregled makroekonomske i fiskalne politike u Bosni i Hercegovini
- Pregled uticaja globalne krize na fiskalnu politiku i poziciju BiH
- Proces planiranja budžeta na državnom i entitetskom nivou
- Programsko budžetiranje

Seminar je prvenstveno bio namijenjen pomoćnicima načelnika za finansije i bio je otvoren za diskusiju. Prve dvije teme dale su generalni pregled makroekonomske i fiskalne politike na državnom nivou. Cilj je bio upoznati uposlenike u službama za finansije na lokalnom nivou sa informacijama koje često ne stižu sa viših nivoa vlasti do općinskih službenika.

Zadnje dvije teme su bile konkretnije i posvećene tehničkom procesu izrade budžeta, sa kojim je većina učesnika bila upoznata. Posebna pažnja posvećena je programskom budžetiranju i mjerama uspjeha. Svi učesnici su kao koristan ocijenili praktični primjer primjene programskog budžetiranja u Općini Gračanica.

ODRŽANO OSAM RADIONICA NA TEMU UVOĐENJA TREZORSKOG/RIZNIČNOG POSLOVANJA U JEDINICAMA LOKALNE SAMOUPRAVE U FBiH



Nakon sagledavanja stanja u jedinicama lokalne samouprave i zaključka da iste nisu u mogućnosti da, u zakonski predviđenom roku, pređu na trezorsko poslovanje, Savez općina i gradova FBiH, kao zakonski zastupnik svojih članica pred institucijama vlasti u Federaciji BiH, obratio se Federalnom ministarstvu finansija/finansija sa inicijativom da se izvrši ponovna izmjena Zakona o

budžetu/proračunu u smislu prolongiranja roka za uvođenje trezorskog poslovanja u jedinicama lokalne samouprave u FBiH, na što je dobio negativan odgovor.

I pored te činjenice, Savez je nastavio svoju aktivnost u oblasti uvođenja trezorskog/rizničnog poslovanja u jedinicama lokalne samouprave, kako bi se ovaj proces mogao završiti u tekućoj, 2011. godini.

U periodu od 18.03. do 15.04.2011. godine uz pomoć GIZ-a, organizirao je smo osam radionica na temu: „Aktuelni problemi u uvođenju trezorskog/rizničnog poslovanja u jedinicama lokalne samouprave u Federaciji Bosne i Hercegovine“. Radionice su bile interaktivnog karaktera, a održane su u sljedećim mjestima: **Drvaru, Prozor-Rami, Kladnju, Srebreniku, Kaknju, Stocu, Foči-Ustikolini i Busovači.**



Radionicama je prisustvovalo više od 100 učesnika iz 57 jedinica lokalne samouprave. Na njima je razjašnjeno niz aktuelnih pitanja i riješene mnoge nejasnoće iz ove oblasti.

Radionice su vodili Emir Dedović, pomoćnik načelnika za finansije Općine Novi Grad Sarajevo i Alija Ramović, nezavisni ekspert, a istim su prisustvovali i predstavnici softverskih kompanija koje su prezentirale svoja softverska rješenja za trezorsko poslovanje.



Sve radionice su od strane učesnika ocijenjene kao veoma dobro organizovane, a prezentacije izuzetno korisne.

Na kraju je zaključeno da će Savez općina i gradova FBiH proslijediti članicama prezentacije koje su korištene na radionicama, kao i dokument u kojim su razjašnjena najčešće postavljana pitanja i koji će pomoći jedinicama lokalne samouprave u daljnjem procesu uvođenja trezorskog poslovanja.

PREZENTIRANE TEME VI. KRUGA BEACON SCHEME



Brčko distrikt BiH je i ove godine bio domaćin svečane završne ceremonije proglašenja najboljih lokalnih zajednica u okviru petog kruga Beacon sheme, koja je održana u brčanskom Domu kulture 14. aprila 2011. godine.

Na temu međuopćinska saradnja nagradu su primili Općina Trnovo i Općina Kostajnica, na temu položaj i uloga mjesnih zajednica u JLS Općina Bihać i Općina Kakanj, a na temu priprema i upravljanje projektima Evropske Unije Grad Banja Luka i Općina Tuzla. Takođe, predstavljene su nove teme za koje će općine moći aplicirati u šestom krugu Beacon sheme, a to su:

- Ekološki potencijali u funkciji lokalnog razvoja;
- Kulturno nasljeđe u funkciji razvoja turizma i promocije lokalne zajednice;
- Planiranje i usvajanje budžeta u lokalnoj zajednici;

U maju/svibnju 2011. godine biti će održane 2 radionice na temu "Teme i kriteriji VI kruga Beacon sheme" kako bi se općine upoznale sa procesom apliciranja. Projekat Beacon sheme u Bosne i Hercegovini se sprovodi od 2005. godine. Nosioci projekta su: Federalno ministarstvo pravde, Ministarstvo uprave i lokalne samouprave RS u saradnji sa savezima općina i gradova FBiH i RS-a.

NAJAVA ODRŽAVANJA 14. SJEDNICE PREDSJEDNIŠTVA SKUPŠTINE SAVEZA

Savez općina i gradova Federacije Bosne i Hercegovine najavljuje da će se Četrnaesta sjednica Predsjedništva Skupštine Saveza općina i gradova Federacije BiH održati u četvrtak, 19.05.2011. godine u BOSANSKOM PETROVCU

Na sjednici članovi Predsjedništva će biti detaljno upoznati o aktivnostima Saveza na izradi Strategije razvoja Saveza za period 2011. - 2015. Predsjedništvu će biti predstavljen nacrt Strategije koji je izrađen u sklopu aktivnosti na projektu "Razvoj kapaciteta saveza općina i gradova u Bosni i Hercegovini" (CDMA) koji zajednički implementiraju Savez općina i gradova Federacije BiH, Savez opština i gradova Republike Srpske i Međunarodna kooperativna agencija Asocijacije općina Kraljevine Holandije VNG-International, a koji je financiran od strane Švedske međunarodne agencije za razvoj i saradnju – Sida.

Predsjedništvo će također razmatrati Izvještaj o izvršenju finansijskog plana Saveza za 2010. godinu sa stavom Nadzornog odbora, te Prijedlog finansijskog plana Saveza za 2011. godinu.

Na dnevnom redu Predsjedništva će biti i Izvještaj sa zajedničke sjednice Komisije za ustavna i zakonodavna pitanja, Komisije za ekonomski razvoj općina i gradova i

finansije i Komisije za razvoj i unapređenje lokalne samouprave u vezi sa inicijativama Općine Stari Grad Sarajevo za formiranje Ministarstva za lokalnu samoupravu na nivou Federacije Bosne i Hercegovine, Općine Tuzla za usklađivanje Zakona o koncesijama Tuzlanskog kantona sa Presudom Ustavnog suda Federacije Bosne i Hercegovine, zatim za izmjene i dopune Zakona o plaćama i naknadama u organima vlasti Federacije Bosne i Hercegovine, i za donošenje kantonalnog Zakona o zaštiti od požara i vatrogastvu i o osnivanju Zajedničke profesionalne jedinice Tuzlanskog kantona. Biće razmatrana i inicijativa općina HNŽ/K za izmjene i dopune Zakona o pripadnosti javnih prihoda HNŽ/K i aranžmanu sa Međunarodnim monetarnim fondom, inicijativa Općine Konjic za izmjenu Zakona o osnovnom odgoju i obrazovanju HNK/Ž i ocjenu ustavnosti Zakona o osnovnom odgoju i obrazovanju HNK/Ž, zatim inicijativa Saveza opština i gradova Republike Srpske za izmjene Izbornog zakona Bosne i Hercegovine i inicijativa Općine Travnik za ocjenom ustavnosti u vezi sa nedonošenjem Zakona o finansijskoj konsolidaciji javnih komunalnih preduzeća u Federaciji Bosne i Hercegovine, a u vezi sa kršenjem Zakona o principima lokalne samouprave u Federaciji Bosne i Hercegovine.

Predsjedništvo će se izjasniti i o nacrtu Zakona o turističkim zajednicama i promicanju turizma u Federaciji BiH u svrhu osiguranja podrške Predsjedništva s ciljem ponovnog upućivanja nacrta Zakona prema nadležnim institucijama vlasti. Na dnevnom redu će biti i saradnja sa Alpha d.o.o. koji je potpisan s ciljem zajedničkog apliciranja na projekat uvođenja sistema trezorskog poslovanja u JLS.

Biće govora još o nizu drugih aktivnosti, događaja i susreta koje je organizirao ili organizira Savez a tiču se naših članica, kao što su: održani sajam NEXPO, sastanak delegacije Saveza sa delegacijom Kongresa lokalnih i regionalnih vlasti Vijeća Evrope, radionice o uvođenju trezorskog poslovanja u JLS, 5. krug Beacon Sheme, održani seminar "Fiskalna politika i programsko budžetiranje u BiH", pripreme za izdavanje Vodiča za uvođenje trezora, Smjernice za budžetske korisnike i ogledne dokumentacije za trezorsko poslovanje u općinama i sl.

Predsjedništvo će raspravljati i o drugim pitanjima koja su značajna i aktuelna za rad jedinica lokalne samouprave u Federaciji BiH.

Četrnaesta sjednica Predsjedništva Skupštine Saveza općina i gradova Federacije BiH će se održati 19.05.2011. godine (četvrtak) u 11:00 sati u BOSANSKOM PETROVCU, u zgradi Općine.

NAJAVA SEMINARA NA TEMU UPRAVLJANJE PROJEKTNIM CIKLUSOM

U okviru Projekta "Sistem obuke za JLS" organizira se nastavak izvođenja specijalističkih **seminara na temu upravljanja projektnim ciklusom** za dodatnih 20 JLS.

Seminari su usmjereni na praktičare iz JLS koji rade na pripremi i provođenju projekata i bit će organizirani za tri grupe JLS, i to u Tesliću, Sarajevu i Mostaru, kroz tri dvodnevna dijela, tokom naredna 2 mjeseca.

Posebna vrijednost seminara je u tome da će učesnici, pored upoznavanja sa procesom i elementima upravljanja projektnim ciklusom, raditi na razvoju konkretnih projektnih ideja za JLS iz koje dolaze. Pauze između pojedinih dijelova seminara će biti iskorištene da učesnici seminara sa ostalim kolegama iz JLS razrade projektni



prijedlog u skladu sa identificiranim prioritetima a uz ograničenu tehničku pomoć koju će elektronskim putem obezbijediti izvođač. U okviru seminara osvrnut ćemo se i na aktuelne i očekivane pozive za dostavljanje prijedloga projekata u kontekstu EU IPA prekogranične saradnje.

Ispod su termini održavanja prvog dijela seminara.

Lokacija:	Termini:	JLS koje učestvuju u seminaru:
Teslić, Hotel Kardial	11.-12. maj	Banovići, Domaljevac-Šamac, Kakanj, Kostajnica, Kozarska Dubica, Odžak, Vitez
Sarajevo, Hotel Grand	17.-18. maj	Goražde, Hadžići, Milići, Pale, Vareš, Višegrad
Mostar, Hotel Ero	18.-19. maj	Berkovići, Gacko, Ljubinje, Nevesinje, Posušje, Široki Brijeg, Trebinje

Preostala dva dijela seminara od kojih će svaki trajati dva dana, okvirno su planirana u Tesliću 24.-25. maja i 14.-15. juna; u Sarajevu 31. maja-01. juna i 28.-29. juna; i u Mostaru 1.-2. juna i 21.-22. juna.

Prvi krug seminara, okončan početkom godine, ocijenjen je kao odličan, a nadamo se da će tako biti i sa drugim krugom. Više informacija o utiscima učesnika prvog kruga seminara možete naći na: <http://www.undp.ba/index.aspx?PID=7&RID=652>.

U drugoj polovini godine planirano je izvođenje trećeg kruga seminara za dodatnih 25 JLS.
